



Faatautaia le ata e Evelyn Lilio

O Sini Autū o Lenei Fuafuaga (FEP) mo Motu o Amerika Samoa

1. Ia faatumauina ituaiga o meaola esese ma ia mau pea ikosite o le sami, ma atina'e se faiga e faatumau ai mo se taimi umi le aoga o alagamanuia mai le sami i se faiga faaeteete mo meaola ma aganuu e ala lea i le faaogaina o ikosite ma ala fa'asaienisi mo le faatautaia o alamanuia.
2. Ia maua ai auala e mafai ona fetu'una'i ma talafeagai e mafai ona faaoga vave ai faamatalaga faasaienisi e faatautu i sui'ga o le si'osi'omaga po o auala o lo'o faaoga ai e tagata.
3. Ia faaleleia atili le silafia e le mamalu lautele o tagata ma le malo le si'osi'omaga o le sami ina ia faaitiitia ai a'afiaga e ala mai tagata po o faiga fo'i o lo'o latou faatino e afaina ai figota ma i'a o le gataifale.
4. Ia una'i ma fesoasoani ia faatumau le auai o le atunuu i le sailiga, atina'e, faasao ma le faafoeina o alagamanuia o le sami.
5. Ia faaitiitia le soona fagotaina o i'a ma le maumau o figota i le mea e gata mai ai.
6. Ia faatautai ma vaaia lelei ituaiga i'a puipua, nofoaga puipua, ma nofoaga fa'asa.
7. Ia faataua le saogalemu o le soifua o le tagata i le sami.
8. Ia una'i ma lagolago itu talafeagai mo le tausisia ma le faamalosi o tulafono uma tau faigafaiva a le atunuu (lotoifale) faapea fo'i le malo tele, (feterale).
9. Ia faatupula'ia le felagolagoma'i faalotoifale ma atunuu i fao o lenei itulalolagi i faigafaiva faatasi ai ma isi faalapotopotoga a le malo ma faalapotopotoga tua, atunuu ma le lautele o tagata ina ia faamanuiaina le faatautaia o le sami ma ona tamaoaga o i ai.
10. Ia faaleleia atili le aofa'i ma le taua o faamatalaga o loo maua e lagolago ai le faatautaia o le ikosite o le sami.

O le Auai Mai o Tagata Lautele ma le Faatulagaina o Vaega Eseese o Lenei Fuafuaga – po'o se Ta'iala faata'atia

E u'una'ia ai le atunuu ina ia auai i le faiga o faaiuga mo le Fuafuaga mo Faigafaiva a Atumotu o Amerika Samoa ma lona Ikosite. O lou auai e mautinoa ai o loo ogatasi le atina'e ma fuafuaga tau faigafaiva ma sini mo le taimi umi aua le aga'i i luma. O loo faaoga e lenei Fuafuaga se auala e amata mai le atunuu lautele e aga'i i luga, lea e afua mai fautuaga mai itu esese o le atunuu e ala lea i fonotaga faalau'itele ma faalapotopotoga faufautua. O lenei Fuafuaga e taula'i atu i le faateleina o le felagolagoma'i o le malo faa-lotoifale, feterale, faa-vaomalo faapea faalapotopotoga tu ma'oti.

O le Laulauafono Faufautua o le Ikosite a lenei Fuafuaga (FEP Advisory Panel)

O lenei komiti e latou te tuuina atu i le Fono e Faafoeina Faigafaiva (Council) fautuaga i le faatautaia o mataupu tau faigafaiva ma mataupu o i ai ma ni a'afiaga e ono tula'i mai i tulafono o le faafoeina o faigafaiva. O loo aofia ai ni soakomiti. O le soakomiti a Amerika Samoa e valu ona totino— e ta'ito'a lua mai i vaega faigafaiva e tolu (faiva fa'atau, faiva-tauvaga fagota, ma faiva mo le fofoga taumafa) fa'apea ni tagata se to'alua e malamalama lelei i le ikosite ma le si'omaga o le gataifale. O le soakomiti la'ititi mo le polokalame lea e taua o le Community Demonstration Project Program (CDPP), po'o le Poloketi a le Atunu'u o Faata'itiga tau Faigafaiva, e to'a valu ona sui, e to'a lua mai Amerika Samoa. E ta'ilia tausaga e tautua ai sui i lea soakomiti.

Laulauafono o le Fuafuaga tau Faigafaiva a Atumotu (Archipelagic FEP Plan Team)

O le vaega lea e gafa ma le Fuafuaga tau Faigafaiva a Atumotu latou te vaaia le faagasologa o le atina'e ma le fa'atinoga o le Fuafuaga a Amerika Samoa ma o i latou foi ia e iloilo ina faamatalaga e faatautu i le tulaga o i ai faigafaiva i le aofa'i o i'a ma ituaiga esese o loo i lalo o la latou vaaiga. O le Vaega lea e vaaia le Fuafuaga e aofia ai tagata atamamai faapitoa mai le malo tele, ma le malo o Amerika Samoa ma i latou e le galulue mo le malo, e tofia e le Fono e Pulea Faigafaiva (Council) ma e leai se taimi faatupulaa o le latou tautua.

Komiti Lautele Faufautua o le Ikosite mo lenei Fuafuaga (REAC)

O lenei komiti e aofia ai sui o le Fono e Pulea Faigafaiva (Council), sui o le malo faa-lotoifale, malo o Amerika, tagata fai pisinisi, ma faalapototoga

potoga esese, e faia a latou galuega i le lauelele ae afaina ai le si'omaga o le gataifale. O sui po o totino o loo i ai i le taimi nei e aofia ai le Matagaluega o Alamanuia o le Sami ma le Vaomatua a Amerika Samoa, Fefa'atauaiga, Galuega Lautele a le Malo, Fa'atoaga, Soifua Maloloina, Paka ma Malae Taalo; Ofisa o Mataupu tau Samoa; Ofisa o le Puipuiga o le Si'osi'omaga; Vaega o Su'esu'ega faa-Saienisi o le Sami a le Kolisi Tu'ufatasi a Amerika Samoa, Porokalama tau Atina'e o Lauelele ma le Sami (Land and Sea Grants); Vaega Faufautua o A'au (Amu); Vaega e Fiafia i A'au; Afoa Lure and Longline Services; Pisinisi Laiti Faufale (Small Business Construction Initiative); National Marine Fisheries Service, Vaai Tau ma Paka a le Malo Tele; National Marine Sanctuary Program ma le US Coast Guard.

O le Komiti o Saienitisi ma Faamaumau (SSC)

O lenei komiti e aofia ai saienitisi mai vaega/ofisa o le malo i Amerika Samoa ma le Malo Tele (Feterale), o vaega tau a'oa'oga ma isi faalapotopotoga. O saienitisi nei o sui mai matata ma tomai esese tau le pototopotoga. O saienitisi nei o sui mai te vaaia le itu i le faatautaia o faigafaiva i lenei itu o le Pasefika i Sisifo.

O Komiti Tumau a lenei Fuafuaga faa-Ikosite (FEP Standing Committees)

O Komiti Tumau o Ikosite a Atumotu o Amerika Samoa ma Aiatatau o Faigafaiva a Tagata Samoa auliuli e aofia ai totino o le Fono e Pulea Faigafaiva (Council), o latou na e iloilo ina faamatalaga talafeagai a'o le'i faia se faaiuga a le Fono, e aofia ai fautuaga a le Komiti Faufautua o Faigafaiva, Vaega fai Fuafuaga a Atumotu mo le Gataifale ma isi vaaia komiti pei ona taua i luga. O fautuaga mai Komiti Tumau ma isi vaega faufautua pei ona faamatalaina i luga e tauaoina atu i luma o le Fono atoa mo iloiloaga e le'i faia se faaiuga i tulafono faapitoa po o fautuaga.

Polokalame mo Tagata Nu'u Moni Fa'apea Tagata Lautele (Indigenous and Community Programs)

Ua fausia Porokalama e lagolagoina e le Fono mo le Atina'e o Atunuu (CDP), Porokalama o Poloketi mo Fa'ata'itiga (CDPP) a atunuu ma Porokalama mo Aoaoga o Mataupu tau le Sami (MET) ma isi, ua faamoemoe ia faateleina ai le auai i faigafaiva, Motu o le Pasefika o loo va'avaaia e le Iunaita Setete.

Fuafuaga Faavaomalo ma Su'esu'ega

E auai le Fono e Pulea Faigafaiva (Council) i le atina'e ma le faatinoga o maliliega faavaomalo ma su'esu'ega i alamanuia o le sami. O le mataupu aupito taua faavaomalo mo lenei Fuafuaga mo i'a ma au'i'a e maua i o tatou lotoifale o lo'o fa'atulagaina i lalo o lenei Fuafuaga (FEP), o le faatautaia lea o faigafaiva i le ilititai (tu'utu'u) ona talu'ai o i'a ia e i ai le talitonuga o se vaega o au'i'a fo'i o lo'o tulimata'i e faigafaiva a motu tua'o'i o Samoa.

A e fia auai, fa'afeso'ota'i le Fono e Pulea Faigafaiva (Council) i le (808) 522-8220 po o le initaneti i le info.wpcouncil@noaa.gov. I Amerika Samoa fa'afeso'ota'i le so'oupu o le Fono i le telefoni (684) 633-5102.